



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL**

Komunikadu Imprensa

Periodu : Setembru 2010

Publikasaun : Setembru 2010

**JSMP hala'ó treinamentu ba Estudante no Lider komunitária iha
Distritu Covalima**

Iha loron 24 no 26 Agustu 2010, Judicial System Monitoring Programme (JSMP) liu husi unidade Victim Support Service (VSS) hala'ó treinamentu ba eskola pre-secundaria iha Uma Mahon Salele, sub Distritu Tilomar, Distritu Covalima. Partisipantes sira ne'ebé mak partisipa iha treinamentu ne'e hamutuk ema nain 41, kompostu husi estudante mane 20 no feto 21.

Aleinde hala'ó treinamentu ba estudante eskola Pre-Secundaria sira, iha tempu hanesan JSMP realizamós treinamentu ba lider komunitária iha Suco Taroman, Sub Distrito Fatululik, Distrito covalima. Total partisipantes hamutuk 15, kompostu husi partisipante feto 1 no mane 14. Sira ne'e kaer papel hanesan chefe aldeia, reprezentante juventude feto no mane, lia nain inklui chefe suco rasik.

Direitór Ezekutivu JSMP, Luis de Oliveira Sampaio, haktuir katak, treinamentu ne'ebé JSMP hala'ó ba estudante no lider komunitária ho objetivu; atu hasa'e koñesimentu ba estudante nu'udar materia adisionalnemos liu-liu ba lider komunitária konaba prosesu legal ba kazu violénsia bazeia ba jéneru.

JSMP hanoin katak treinamentu ne'e atu fo koñesimentu ne'ebe' mak diak konaba lei nasional no padraun direitus umanus Internasional ne ebe' adopta iha ita nia sistema judisiariu Timor Leste ne'ebé fo protesauun ba feto no labarik maka sai vítima. Nune'e mos, treinamentu ne'e nu'udar pasu ida atu bele redus ou hamenus siklu numeru violénsia bazeia ba jéneru ne'ebé maka as iha Timor Leste.

Alende ne'e nia mós hatutan katak, tamba refere mós ba rejultadu monitorizasaun ne'ebe JSMP hala'ó iha jurisdisaun tribunál hotu hatudu katak, numeru ba kazu violénsia bazeia ba jéneru ninian numeru bot iha jurisdisaun tribunál hotu iha Timor Leste, ho nune'e importante duni trinamentu ba estudante no lider komunitária

Materia nebe'e mak aprejenta iha treinamentu ne'e mak hanesan Kódigu Penál no Kódigu Prosesu Penál husi Prespetiva Vítima Violénsia Bazeia ba Jéneru, inklui mós konvensaun Internasional ratifikadus sira, Dekreitu Lei 7/2010 konaba Lei Kontra Violénsia Doméstika, nomos Dekreitu Lei no 3/2009 konaba Lideransa komunitária.

Treinamentu ne'e hetan antusiasmu makas husi partisipantes sira, tanba treinamentu refere foin dahuluk sira hetan. Ho ida ne'e sira rekomenda para aktividade hanesan ne'e JSMP liu husi Unidade Victim support Service ka VSS tenke kontinuan nafatin ba suco seluk liu-liu iha area rurais ne'ebe' maka defisil atu asesu ba iha informasaun liu-liu prosesu lejislativa ne'ebe' mak lao iha Timor Leste. Liu tan, sira mos husu para halo sosializaun ba iha Lei Kontra violénsia Doméstika, tanba dala barak feto no labarik sai vítima husi violénsia, no sai ema nebe'e mak vulneravel liu-liu ba violénsia ne'ebé maka akontese iha uma laran., Partisipantes sira mos konsiente katak kazu hirak ne'e mosu tanba influensia husi kustumi ne'ebe' maka moris iha comunidade.

Husi prosesu treinamentu ne'e, Victim Support Service ka VSS observa katak, koñesimentu husi lider komunitária ba prosesu lejislativa em jeral no liu-liu prosesu atendemnetu violénsia bazeia ba jéneru minimu teb-tebes. Tanba ne'e duni JSMP sei kontinua hala'o treinamentu iha area rurais sira atu povu em jeral liu-liu ba lider komunitária sira bele iha koñesimentu ne'ebe mak diak konaba prosesu atndementu kazu violénsia bezeia ba jéneru.

JSMP espera katak ho treinamentu nebe'e maka hala'o ona ne'e bele ajuda hodi hasa'e koñesimentu no kapasidade ba lider komunitária sira hodi bele ajuda vítima violénsia bazeia ba jéneru para asesu ba iha sistema justisa formal. Parte seluk bele redus siklu ou numeru violénsia bazeia bajéneru ne'ebé mak agora as iha Timor Leste.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Email; Luis@jsmp.minihub.org

Landline; 3323883/7295795